

**TERZA SESSIONE STRASURDINARIA DI U 2023**  
**29 È 30 DI GHJUGNU DI U 2023**

**3EME SESSION EXTRAORDINAIRE DE 2023**  
**29 ET 30 JUIN 2023**

**N° 2023/E3/046**

**Question orale déposée par le groupe « Fà Populu Inseme »**

**OBJET : Prughjettu in giru à u casteddu di a Punta**

O sgiò Presidenti di u Cunsigliu esecutivu di Corsica,

Signora Cunsigliera esecutiva in carica di a cultura è di u patrimoniù,

Dipo u 1mu di Ghjinnaghju di u 2018, a Cullettività di Corsica hè proprietaria di u Casteddu di a Punta in u circondu aiaccinu, cumuna d'Alata.

Custruitu trà mari è monti da a famiglia Pozzo di Borgo à a fini di u 19 esimu seculu, l'edifiziu custituisce una prudezza architetturali tamanta chì, aldilà di l'urighjini di i so petri, ci ramenta u Palazzu di i Tuileries distruttu in u 1871 sottu l'episodiu di a Cumuna di Parighji.

Riccu di Storia, u Casteddu si scrivi in un quadru naturali eccezzionali, à 600 metri d'altitudini, supranendu à i golfi d'Aiacciu è di Lava, è fendu pettu à a principala sarra isulana. Classificatu monumentu storicu indè l'anni 1970, un incendiù in u 1978 cunduci à a so chjuditura. Dopu anni è anni senza prisenza ne intarvinzioni umani, u Cunsigliu generali di u Pumonti u cumprò in u 1991, incù u so parcu.

In u frà tempu, par via di i diguasti di l'incendiù, di a ruditura, di u clima è di i penetrazioni d'acqua, u Casteddu cunnobbi danni assai impurtanti.

Dipo tandu, investimenti è travaglii di risturazioni sò stati intrapresi sottu à l'impulsioni di u Cunsigliu generali prima, dipartimentali dopu, di a Cullettività di Corsica infini, incù u cuncorsu di u Statu è di a Fundazioni di u Patrimoniù.

Issu ghjuveddu, integratu à u patrimoniù cullettivu di i Corsi, pò essa un attrazzu magnificu à u liveddu storicu, culturali, architetturali è ancu naturali. In tantu chì putenza publica guaranti di l'intaressi materiali è murali di a Corsica è di u so Populu, tocca à a noscia istituzioni di fà ni un veru arnesu di leia, di sviluppu è di splendori.

Tandu, vurriu sapè qualesu hè u prughjettu di u Cunsigliu esecutivu in tantu à u divintà di u Casteddu di a Punta, u chjassu à suvità pà sbuccà ci è u calendari previstu in issu sensu.

À ringrazià vi.